

BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM
Radna komisija za ustavna i pravna pitanja
Broj: 01/1-238/99
Sarajevo, 14. 12. 1999.

ZAPISNIK

12. sjednice Radne komisije za ustavna i pravna pitanja Predstavničkog doma Parlamentarne skupštine Bosne i Hercegovine, održane 14. i 15. decembra 1999. godine

Sjednica je počela s radom 14. 12. 1999. godine u 11,05 sati.

Sjednici su prisustvovali: Mirko Banjac, Bogić Bogičević, Ana Havel, Alma Čolo, Rasim Kadić i Sejfudin Tokić i Ljubomir Zovko.

Sjednici nisu prisustvovali: Milenka Bošnjak i Miodrag Deretić (opravdao odsustvo).

Pored članova Komisije, sjednici su prisustvovali: Momir Malić, Avdo Čampara i Mirsad Čeman, članovi Radne komisije za ustavna i pravna pitanja Doma naroda, Vedran Hadžović, sekretar Komisije, predstavnici OHR-a, OSCE-a-a i Evropske komisije - Phare projekt.

Za sjednicu je predložen i usvojen sljedeći

DNEVNI RED:

1. Usvajanje zapisnika sa 9., 10. i 11. sjednice Radne komisije za ustavna i pravna pitanja Predstavničkog doma;
2. Prijedlog zakona o državnoj graničnoj službi (predlagač: Predsjedništvo BiH);
3. Rasprava o:
 - a) Nacrtu izbornog zakona (predlagač delegat Drago Ljubičić);
 - b) Izvještaju o provedenoj javnoj raspravi o Nacrtu izbornog zakona (predlagač delegat Drago Ljubičić);
 - c) Nacrtu izbornog zakona (predlagač Klub poslanika SDP);
 - d) Izvještaju o provedenoj javnoj raspravi o Nacrtu izbornog zakona (predlagač Klub poslanika SDP);
4. Nacrt zakona o preuzimanju dužnosti člana Predsjedništva BiH u toku trajanja mandata (predlagač: Predsjedništvo BiH);
5. Nacrt zakona o zaštiti ljudskih prava utvrđenih međunarodnim konvencijama koje su sastavni dio Ustava BiH (predlagač poslanik Haris Silajdžić);
6. Inicijativa grupe poslanika da Predstavnički dom Parlamentarne skupštine BiH pokrene postupak usklađivanja Ustava BiH sa Evropskom konvencijom za zaštitu ljudskih prava i osnovnih sloboda;
7. Prijedlog zakona o Vijeću ministara BiH (predlagači: poslanici Sejfudin Tokić i Ivo Divković);
8. Prijedlog zakona o izmjenama i dopunama Zakona o putnim ispravama BiH (predlagači: poslanici Sejfudin Tokić i Ivo Divković);
9. Sporazum između Vijeća ministara BiH i "EUROFIME".

AD. 1:

Zapisnici sa 9. , 10. i 11. sjednice Komisije usvojeni su bez primjedbi.

AD. 2:

U raspravi o Prijedlogu zakona učestvovali su svi prisutni članovi Komisije.

Komisija je zaključila da je potrebno da Predsjedništvo BiH dostavi tekst preambule Prijedloga ovog zakona do početka nastavka ove sjednice, koji je zakazan za 15.12. o.g., u kome će se navesti ustavni osnov za donošenje ovog zakona.

AD. 3:

Komisija je utvrdila da postoji ustavni osnov za donošenje ovog zakona, da je podnešen od ovlaštenog predlagača i ocijenila da je zakon potrebno donijeti. Komisija se nije upuštala u suštinu i sadržinu nacрта ovog zakona.

Sejfudin Tokić je zatražio dopis koji nije primio i kojim se delegat Drago Ljubičić oglašava kao predlagač nacрта ovog zakona, dok je Mirko Banjac iznio mišljenje da to nije potrebno dodatno činiti, jer su poslanici o tome upoznati na nedvosmislen način.

AD. 4:

Komisija je utvrdila da postoji ustavni osnov za donošenje ovog zakona i da je podnešen od ovlaštenog predlagača. Konstatovano je da je:

- pitanje zamjene člana Predsjedništva u slučaju smrti, nemogućnosti da vrši svoju dužnost ili ostavke, potrebno riješiti u okviru Izbornog zakona BiH;
- pozicija kopredsjedavajućih predviđena ovim zakonom je, prema Odluci Ustavnog suda BiH u suprotnosti sa Ustavom BiH.

AD. 5:

Komisija je utvrdila da postoji ustavni osnov za donošenje ovog zakona i da je podnešen od ovlaštenog predlagača. Konstatovano je da:

- nedostaje preambula, što je potrebno dopuniti;
- u Zakonu se navodi uloga Suda BiH, kao nove institucije koja nije uvedena u BiH.

AD. 6:

Komisija je utvrdila da postoji ustavni osnov za donošenje ove inicijative i da je podnesena od ovlaštenog predlagača. Zaključeno je da se predloži Predstavničkom dimu da zatraži mišljenje o navedenoj Inicijativi od Visokog predstavnika u BiH, kao ovlaštenog tumača Mirovnog sporazuma.

AD. 7:

Komisija je utvrdila da postoji ustavni osnov za donošenje ovog zakona i da je podnešen od ovlaštenog predlagača.

AD. 8:

Komisija je utvrdila da postoji ustavni osnov za donošenje ovog zakona i da je podnešen od ovlaštenog predlagača, sa opaskom da u tekstu zakona nedostaje preambula u kojoj je potrebno navesti ustavni osnov.

AD. 9:

Komisija je utvrdila da postoji ustavni osnov za davanje saglasnosti za ratificiranje ovog sporazuma i da je podnešen od ovlaštenog predlagača. S obzirom da ovlašteni predlagač

nije prisustvovao sjednici, dogovoreno je da će se navedeni sporazum razmotriti u nastavku ove sjednice, koji je zakazan za 15.12. o.g.

Sjednica je završena u 14,25 sati. Nastavak sjednice zakazan je za 15. 12. o.g.

Prvi nastavak 13. sjednice Radne komisije za ustavna i pravna pitanja Predstavničkog doma Parlamentarne skupštine Bosne i Hercegovine, održane 15. decembra 1999. godine u 10,45 sati.

Sjednici su prisustvovali: Mirko Banjac, Bogić Bogičević, Miodrag Deretić, Ana Havel, Alma Čolo, Rasim Kadić, Sejfidin Tokić i Ljubomir Zovko.

Sjednici nije prisustvovala Milenka Bošnjak.

Ispred Predsjedništva BiH sjednici je prisustvovao Kasim Trnka.

AD. 2:

Predsjedništvo BiH je dostavilo tekst preambule Prijedloga ovog zakona do početka nastavka ove sjednice, u kome je naveden ustavni osnov za donošenje zakona o državnoj graničnoj službi.

Mirko Banjac je mišljenja da je ustavni osnov za donošenje zakona član III.4. i 5.a) Ustava BiH.

Predstavnik Predsjedništva BiH je izjavio da se pored člana III. 5. Ustava BiH, koji predstavlja materijalni osnov, kao ustavni osnov može navesti i član IV.4.a) Ustava BiH.

Komisija je utvrdila da postoji ustavni osnov za donošenje ovog zakona, sa 5 glasova za i 2 protiv i zaključila da Predsjedništvo BiH dostavi Predstavničkom domu izmjenjeni tekst preambule ovog zakona.

Miodrag Deretić je izdvojio mišljenje jer smatra da ne postoji ustavni osnov za donošenje ovog zakona.

AD. 3:

Komisija je sa 6 glasova za i 2 protiv utvrdila mišljenje da nije potrebno dodatno podnositi dopis od ovlaštenog predlagača, jer su poslanici upoznati na nedvosmislen način da je delegat Drago Ljubičić predlagač Nacrta izbornog zakona BiH.

AD. 9:

Komisija je ranije utvrdila da postoji ustavni osnov za davanje saglasnosti za ratificiranje ovog sporazuma i da je podnešen od ovlaštenog predlagača. S obzirom da je predstavnik predlagača prisustvovao sjednici, Komisija je podržala je davanje saglasnosti za ratificiranje sporazuma.

Sjednica je završena u 11,25 sati.

Za izvjestioca Komisije određen je Rasim Kadić.

Drugi nastavak 13. sjednice Radne komisije za ustavna i pravna pitanja Predstavničkog doma Parlamentarne skupštine Bosne i Hercegovine, održane 15. decembra 1999. godine u 13,20 sati.

Sjednica je održana na osnovu Zaključka Predstavničkog doma, u pauzi sjednice.

Sjednici su prisustvovali: Bogić Bogičević, Ana Havel, Alma Čolo, Rasim Kadić, Sejfidin Tokić i Ljubomir Zovko.

Sjednici nisu prisustvovali: Mirko Banjac, Milenka Bošnjak i Miodrag Deretić
Ispred Predsjedništva BiH sjednici je prisustvovao Kasim Trnka.

AD. 2:

Predsjedništvo BiH je dostavilo izmjenjeni tekst preambule Prijedloga ovog zakona do početka nastavka ove sjednice, u kome je naveden ustavni osnov za donošenje zakona o državnoj graničnoj službi.

Komisija je prihvatila ustavni osnov za donošenje ovog zakona naveden u preambuli Prijedloga zakona, sa 5 glasova za i jednim suzdržanim.

Sjednica je završena u 13,35 sati.

Za izvjestioca Komisije određen je Rasim Kadić.

Treći nastavak 13. sjednice Radne komisije za ustavna i pravna pitanja Predstavničkog doma Parlamentarne skupštine Bosne i Hercegovine, održane 15. decembra 1999. godine u 14,10 sati.

Sjednica je održana na osnovu Zaključka Predstavničkog doma, u pauzi sjednice.

Sjednici su prisustvovali: Mirko Banjac, Bogić Bogičević, Miodrag Deretić, Ana Havel, Alma Čolo, Rasim Kadić, Sejfudin Tokić i Ljubomir Zovko.

Sjednici nije prisustvovala Milenka Bošnjak.

Ispred Predsjedništva BiH sjednici je prisustvovao Kasim Trnka.

AD. 2:

Konstatovano je da je Predsjedništvo BiH dostavilo izmjenjeni tekst preambule Prijedloga ovog zakona, u kome je naveden ustavni osnov za donošenje zakona o državnoj graničnoj službi i da je Komisija u prethodnom nastavku sjednice prihvatila navedeni ustavni osnov za donošenje ovog zakona naveden u preambuli Prijedloga zakona, sa 5 glasova za i jednim suzdržanim glasom.

Mirko Banjac smatra da Predsjedništvo BiH nije navelo ustavni osnov koji je on predložio na prošloj sjednici (član III.4. i III.5.a) Ustava BiH), a koji je, prema njegovom mišljenju predstavnik predlagača na sjednici Komisije prihvatio.

Kasim Trnka je ispred predlagača istakao da je prihvatio da se, pored člana III. 5. Ustava BiH, koji predstavlja materijalni osnov, kao ustavni osnov može navesti i norma procesnog karaktera, tj. član IV.4.a) Ustava BiH.

Miodrag Deretić je zatražio da se u zapisnik unese njegov zahtjev da se kao ustavni osnov smatra član III.4. Ustava BiH.

Komisija je ponovo prihvatila ustavni osnov za donošenje ovog zakona naveden u preambuli Prijedloga zakona predloženoj od Predsjedništva BiH, sa 5 glasova za, jednim glasom protiv i jednim suzdržanim.

Sjednica je završena u 14,30 sati.

Za izvjestioca Komisije određen je Rasim Kadić.

PREDSJEDAVAJUĆI
Rasim Kadić

SEKRETAR
Vedran Hadžović